

ԿԸՅ 2024 թ. Հայաստանի և այլ երկրների արդյունքները

Հայաստանի ԿԸՅ 2024թ. արժեքը նախորդ տարվա համեմատ մնացել է նույնը՝ **47** միավոր 0-ից (բացարձակապես կոռուսմացված) 100 (բացարձակապես մաքուր) սանդղակի վրա:

180 երկիր ներառող ԿԸՅ դասակարգման արդյունակում Հայաստանը հորվաթիայի հետ կիսում է **63-64-րդ** տեղերը (2023 թ.-ին Հայաստանը գրավում էր 62-րդ տեղը):

Տվյալ երկրի ԿԸՅ համաթիվը հանդիսանում է այդ երկրի համաթիվը հաշվարկելու համար օգտագործված բոլոր աղբյուրների համար հաշվարկված համաթվերի միջին թվաբանականը: Մասնավորապես, Հայաստանի ԿԸՅ 2024թ. համաթիվը (47) հավասար է այն հաշվարկելու համար օգտագործված 6 աղբյուրների համաթվերի միջին թվաբանականին: Այդ աղբյուրներն են՝ Բերթելսմանի հիմնադրամի 2024 թ. տրանսֆորմացիոն համաթիվը (51 միավոր, 2023-ին՝ 49), Ֆրիդոմ Հաուսի Անցումային փուլում գտնվող պետություններ 2024թ. զեկույցի *Կոռուպցիա* ենթահամաթիվը (44 միավոր, 2023-ին՝ 44), Գլոբալ Ինսայթի երկրի ռիսկայնության 2024թ. վարկանիշը (46 միավոր, 2023-ին՝ 47), Փոլիթիքլ Ռիսքս Սերվիսիզ Ինթերնեշնլի երկրի ռիսկայնության 2024թ. ուղեցույցը (33 միավոր, 2023-ին՝ 32), Ժողովրդավարության բազմազանության ծրագրի 2024 թ.-ի հրապարակումը (50 միավոր, 2023-ին՝ 55) և Համաշխարհային տնտեսական ֆորումի Ընկերությունների գործադիր տնօրենների կարծիքի ամենամյա հարցման 2024թ. հրապարակումը (56 միավոր, 2023-ին՝ 54):¹

Գծապատկեր 1



¹ Հարկ է նշել, որ Հայաստանի ԿԸՅ-ն հաշվարկելու համար օգտագործվել են այն նույն աղբյուրները, ինչ նախորդ երեք տարիներին՝ 2021, 2022 և 2023 թվականներին:

Գծապատկեր 1-ում ներկայացված են Հայաստանի ԿԸՀ արժեքները 2012-2024թթ. ընկած ժամանակահատվածում: Թրանսփարենսի Ինթերնեշնլի տարածաշրջանային բաժանմամբ՝ Հայաստանը, ներառված է Արևելյան Եվրոպա - Կենտրոնական Ասիա տարածաշրջանի մեջ:


Ինչպես և նախորդ չորս տարիներին, Հայաստանի ԿԸՀ արժեքը 2024 թվականին (**47**) ավելի բարձր է ԿԸՀ համաշխարհային միջին արժեքից (այն պահպանվել է **43**): Այն նաև գերազանցում է հարևան երկրների (բացի Վրաստանից) և ԵԱՏՄ մյուս երկրների (Ռուսաստան, Բելառուս, Ղազախստան և Ղրղզստան) 2024 ԿԸՀ արժեքները: Իր հարևաններից **Թուրքիան (34)** կիսում է **107-113**-րդ տեղերը, **Իրանը (23)**՝ **151-153**-րդ տեղերը, իսկ **Ադրբեջանը (22)**՝ **154-157**-րդ տեղերը: ԵԱՏՄ երկրներից **Ղազախստանը (40)** զբաղեցնում է **88-91**-րդ տեղերը, **Բելառուսը (33)**՝ **114-120**-րդ տեղերը, **Ղրղզստանը (25)**՝ **146-148**-րդ տեղերը և **Ռուսաստանը (22)**՝ **154-157**-րդ տեղերը:

Գծապատկեր 2



Գծապատկեր 2-ում ներկայացված է Արևելյան Եվրոպա - Կենտրոնական Ասիա տարածաշրջանի երկրների ԿԸՀ արժեքները: Ինչպես երևում է գծապատկերից, Հայաստանը, 53-55-րդ տեղերում գտնվող **Վրաստանից (53)** հետո, երկրորդ տեղում է տարածաշրջանի երկրների շրջանում:

Գծապատկեր 3



Գծապատկեր 3-ում ներկայացված են Եվրոպայի խորհրդի անդամ պետությունների, ներառյալ Հայաստանի, 2024 ԿԸՀ արժեքները:

Ինչպես երևում է Գծապատկերից՝ Հայաստանը ԵՄ երկրների մեջ Նույնիսկ միջին հորիզոնականներում չէ: Սա նշանակում է, որ Հայաստանը դեռևս շատ անելիքներ ունի՝ գրանցելու համար իրական առաջընթաց կոռուպցիայի դեմ պայքարում: